

佛說八大菩薩曼荼羅經

唐三藏沙門大廣智不空奉詔譯

如是我聞一時薄伽梵住補怛落迦山聖觀自在菩薩宮殿與百千俱胝那庾多菩薩前後圍遶爾時衆中有一菩薩名曰寶藏月光從座而起整理衣服偏袒右肩曲躬合掌白言薄伽梵我有少疑惟願如來聽許諮問於是如來應等正徧知告寶藏月光菩薩言若善男子善女人作八曼荼羅者云何建立復依何法趣無量福令修行者速證菩提爾時如來讚寶藏月光菩薩言善哉善哉善男子汝能問如是甚深之義而爲利益無量無邊有情與安樂故及能淨除三惡趣故爲證無比無上智故汝今善聽若諸有情纔聞此密言者得長壽樂善男子有八曼荼羅是八大

斯一

菩薩甚深法要若有有情依法建立此八曼荼羅一徧者所有十惡五逆謗方等經皆悉消滅一切所求義利勝願悉得成就即說如來密言曰

唵一引摩訶尾囉娑嚩訶二合賀三引

即曼荼羅中想於如來真金色身三十二相坐蓮華臺

次說觀自在菩薩密言曰

吽一引顯唎二合 郝三鉢納麼合 室哩二曳娑

嚩二合訶三引

即想曼荼羅中聖觀自在身赤色左手持蓮華右手施願頭冠中有無量壽如來

次說慈氏菩薩密言曰

每訶哩爾娑嚩二合訶一引

於觀自在菩薩後想慈氏菩薩金色身左手

執軍持右手施無畏冠中有窠堵波半加而坐

次說虛空藏菩薩密言曰

阿引蘄婆也娑縛二合訶一引

於佛背後想虛空藏菩薩左手持寶安於心

上右手施流出無量寶斯一

次說普賢菩薩密言曰

顯唎二合惹也娑縛二合訶一引

虛空藏菩薩左邊想普賢菩薩戴五佛冠金

色身右手持劍左手施願半加而坐

次說金剛手菩薩密言曰

唵引鑠囉縛娑縛二合訶一引

於如來左邊想金剛手菩薩右手執金剛杵

左手安於胯戴五佛冠身青色半加而坐

次說曼殊室利菩薩密言曰

室利二合閼藍誡娑縛二合訶一引

於金剛手菩薩前想曼殊室利童真菩薩五

髻童子形左手執青蓮華華中有五股金剛

杵右手作施願身金色半加而坐

次說除蓋障菩薩密言曰

匿伐囉拏娑縛二合訶一引

於曼殊室利菩薩前想除蓋障菩薩金色身

左手持如意幢右手施願半加而坐

次說地藏菩薩密言曰

乞灑二合訶囉惹娑縛二合賀一引

於如來前想地藏菩薩頭冠瓔珞面貌熙怡

寂靜愍念一切有情左手安齋下拓鉢右手

復合掌向下大指捻頭指作慰安一切有情

想此八大菩薩曼荼羅供養觀行法若善男

子善女人受持此曼荼羅經一切業障悉皆

消滅速證無上正等菩提佛說是經已諸大
菩薩及聲聞衆一切天龍八部聞佛所說歡

喜奉行

八大菩薩讚

圓寂宮城門

能摧戶扇者

諸佛法受用

救世我頂禮

自手流清水

能除餓鬼渴

三界如意樹

頂禮蓮華手

大慈水爲心

能息瞋恚火

頂禮慈氏尊

能斷欲弓弦

虛空藏妙慧

虛空寂靜尊

生死流解脫

頂禮佛心子

無邊有情惑

能息無益心

普賢我頂禮

善逝上首子

塵勞盡僮僕

超勝摩羅宣

頂禮金剛手

能說一切明

頂禮妙吉祥

持妙童子形

舒徧智慧燈

攘奪三界暝

一切除蓋障

是故我頂禮

無盡智慧尊

能生無竭辯

如地諸有情

所依一不斷 堅慧悲愍藏 地藏我頂禮
此真善逝子 讚揚所獲福 以此諸有情
如彼成讚器

佛說八大菩薩曼荼羅經